

Nous n'auons enuoyé cy-deuant que des hommes pour enseigner le peuple; les hommes ne confideront-ils pas quelle a esté la fin des impies qui les ont precedez? Le Paradis est pour ceux qui sont gens de bien; ne vous conuertirez vous pas? Ils ont fait perdre à nos Prophetes toute l'esperance de leur conuersion, & ont crû qu'ils estoient menteurs, mais nous les auons protegez, & auons deliuré de leur malice ceux que bon nous a semblé; rien n'exemptera les meschans de la punition de leurs peines, ils seruiront d'exemple aux gens d'esprit: L'Alcoranne contient point de blasphemés, il confirme les anciennes escritures, & enseigne aux vray-croyans le chemin de salut.

---

## LE CHAPITRE DV TONNERRE.

*contenant quarante-trois versets,  
escrit à la Meque.*

*Voyez  
Geldin &  
Bedaoi.*

**A**V nom de Dieu clement & misericordieux. Je suis Dieu tres-sage & misericordieux. Ces preceptes sont les preceptes du liure qui t'a esté enuoyé de la part de ton Seigneur, c'est vne chose tres-veritable, mais peu de gens le veulent croire: Il est enuoyé de la part de Dieu qui a esleué le Ciel sans appuy & sans colonne qui paroisse, & s'est assis en son trosne disposant de toute chose. Il fait

mouuoir le Soleil & la Lune iusques au iour nommé, il dispose de toute chose à sa volonté, & manifeste au peuple les signes de sa toute-Puissance; peut-estre que vous croirez en la resurrection de la chair: C'est luy qui a estendu la terre, esleué les montagnes, fait couler les riuieres, qui a créé de toute sorte de fruiçts le mâle & la femelle, & qui couvre le iour par l'obscurité de la nuit; Ces choses sont signes de son vnité à ceux qui les considerent; Il a créé plusieurs champs de diuerse sorte, & des jardins remplis de raisins & de plusieurs differens fruiçts, il a créé des palmiers espais comme des bocages & des forests, & d'autres qui sont espars parmy les champs, les vns sont arrosez des eaux, & les autres ont le goust plus agreable; Ces choses sont signes de son vnité à ceux qui les considerent. Tu t'estonne des mensonges des infidelles, estonne-toy de leurs discours, lors qu'ils nient la resurrection; & disent, Quoy, Dieu nous créera encore vne fois du limon de la terre, lors que nous serons terre, & serons vn peuple nouveau? ils sont des impies, ils auront des chesnes au col, & demeureront eternellement dans le feu d'Enfer; Ils se precipitent dans les peines eternelles, & mesprisent la misericorde de Dieu, leurs predecesseurs ont fait comme eux, mais Dieu est clement à ceux qui se conuertissent; Chastie rigoureusement les infidelles opiniastres; Ils ont dit, nous ne croirons pas au Prophete si nous ne voyons paroistre quelque miracle, Dis

leur, ie ne suis enuoyé que pour prescher la parole de Dieu. Il aenuoyé des personnes à chaque nation pour leur enseigner le droict chemin, rien ne luy est caché dans le monde, il sçait ce que les femmes portét dans leur ventre, il sçait le temps & le point de toute chose, le present, le passé & le futur, il est grand & tout-Puissant, il sçait ce que vous tenez secret, & ce que vous publiez, il sçait où sont ceux qui se couurent de l'obscurité de la nuit, & ceux qui cheminent en la clairté du iour, chacun à vn gardien par son commandement qui obserue ce qu'il fait, & il ne priue personne de la grace qu'il n'aye offensé sa diuine Majesté, & personne ne le peut empescher de chastier qui bon luy semble; C'est luy qui vous fait voir l'esclair qui espouente les hommes, & qui nourrit ses creatures par la pluye qu'il fait tomber, il crée les nuës chargées d'humidité, il fait bruire le tonnerre, il lance le foudre, & en frappe qui bon luy semble, les Anges tremblent en sa presence, neantmoins les impies disputent de sa toute-Puissance; C'est luy qu'il faut implorer, les prieres de ceux qui implorent vn autre Dieu que luy sont inutiles, ils sont semblables à ceux qui ont bien soif, & tendent la main contre vne fontaine où ils ne peuvent pas arriuer, la priere des infidelles est impiesé; tout ce qui est au Ciel & en la Terre, l'ombrage du matin, & l'obscurité du soir, s'humilient deuant Dieu par force ou par amour; Dis leur, qui est Seigneur du Ciel & de la Terre au-

tre que Dieu? qui vous protegera autre que Dieu? vos Idoles ne vous peuvent faire ny bien ny mal, l'aveugle est-il semblable à celui qui voit clair? les tenebres sont elles semblables à la lumiere? adore-  
ront-ils les creatures au lieu du Createur? Dieu a créé toute chose & est tout-Puissant, il fait descen-  
dre la pluye du Ciel, & fait couler dans les valées les riuieres couuertes d'escumes; L'or, l'argent & les metaux que vous faites fondre pour vous parer & pour vous enrichir, sont semblables à l'escume, ain-  
si Dieu enseigne ce qui est vtile, & ce qui est inutile, l'escume dispartoit promptement, & n'apporte point de profit aux hommes, ainsi dispartoit le men-  
songe deuant la verité. Ainsi Dieu parle par para-  
bole à ceux qui luy obeissent, & leur donne le Para-  
dis. Toutes les richesses de la terre, & encore autant ne pourroient pas rachep-  
ter les infidelles, ils seront eternellement tourmentez dedans le feu d'Enfer.  
Qui sçait que la verité contenuë en ce liure ne t'a pas esté enuoyée de Dieu? celui qui en doute est  
aveuglé, les personnes d'esprit n'en doutent pas.  
Ceux qui satisfont à ce qu'ils promettent à Dieu, qui ne contreuie-  
nnent pas à ses commandemens, qui ont la crainte deuant les yeux, qui apprehendent le  
iour du Iugement, qui sont patiens en leurs affli-  
ctions pour l'amour de sa diuine Majesté, qui font leurs prieres au tēps ordonné, qui font des aumônes  
secrettement & publiquement, & qui effacent leurs pechez par leurs bonnes ceu-  
res, seront bien-heu-

reux. Ils entreront dás le iardin d'Eden avec leur pere,  
 leurs femmes & leurs familles, les Anges les visiteront,  
 ils les salueront & diront, voila la recompense  
 de vostre perseuerance, voila la grace éternelle. Ceux  
 qui contreuiendront à leur promesse & desobeiront  
 aux commandemens de Dieu, & qui saliront la terre,  
 seront maudis de Dieu & seront rigoureusement  
 chastiez, il dóne & oste les biens à qui bon luy sèble.  
 Les infidelles se sont resiouys des biens de la terre,  
 mais ces biens sont peu de chose si on considere ceux  
 qui sont en l'autre monde, ils disent, si mahomet ne  
 fait paroistre quelque miracle de la part de Dieu no<sup>s</sup>  
 ne le croirons pas; Dis leur, Dieu conduit & deuoye  
 qui bon luy sèble, il assure le cœur de ceux qui croyent  
 en sa loy, le souuenir de Dieu assure le cœur des vrai-  
 croyans, ceux qui feront de bonnes œuures seront  
 bien heureux. Nous t'auons enuoyé comme nous  
 auons enuoyé les autres Prophetes à ceux qui t'ont  
 precedé; enseigne au peuple ce que nous t'auons in-  
 spiré, lors qu'ils te desobeiront, dis leur, Dieu est  
 mon Seigneur, il n'y a qu'un seul Dieu, ie suis entierement  
 resigné à sa diuine volonté, mon refuge est  
 en sa bonté. Si l'Alcoran faisoit marcher les monta-  
 gnés, s'il faisoit ouvrir la terre, & resusciter les morts  
 tout procederoit de Dieu; Les vrai-croyans ne doi-  
 uent rien desesperer, Dieu conduira tout le monde  
 au droit chemin quand bon luy semblera, & les  
 infidelles n'euiront pas la punition de leurs crimes;  
 tu habiteras avec eux iusques à ce que la parole de

Dieu soit accomplie; il ne contrevient pas à ce qu'il promet, ils se sont mocquez des Prophetes qui sont venus auparauant toy, j'ay prolongé le temps de leur chastiment, & les ay à la fin chastiez rigoureusement & de quels chastiments? Dieu ne void-il pas ce que chacun fait? Ils ont dit que Dieu a des compagnons à qui ils ont donné des noms à leur fantaisie, enseignerez-vous quelque chose à Dieu? les impies se plaisent dans leur impiété, & sont deuoyez du droit chemin, celuy que Dieu deuoyera ne trouuera personne qui le conduise, il sera chastié en ce monde, & encor plus en l'autre; personne ne le pourra sauuer que Dieu, le Paradis est promis à ceux qui ont la crainte deuant les yeux, ils iouiront éternellement de toute sorte de contentement, telle est la fin des gens de bien, & le feu d'Enfer est préparé pour les Infidelles. Ceux à qui nous auons donné la science des escritures se resioüissent de la doctrine que nous t'auons enuoyée, il y a des personnes qui en abjurèrent vne partie, dis leur, ie ne vous recomande que d'adorer vn seul Dieu, il est le refuge assuré des gens de bien. Nous auons enuoyé l'Alcoran en langue Arabesque afin que les Arabes le comprennent, si tu suis la volonté des Infidelles apres auoir eu la connoissance de l'vnité de Dieu, qui te pourra sauuer ou protéger? Nous auons enuoyé des Prophetes auparauant toy nous leur auons ordonné de se marier, & ont eu des enfans. Les Prophetes ne peuvent point faire de miracle sans la permission de

Dieu, & la fin de toute chose est écrite dans son Livre, il en efface & laisse subsister ce que bon luy semble, il ne se peut pas alterer. Je vois que quelques-uns des impies ont dessein de te faire mourir, tu n'es obligé qu'à les prescher, ie tiendray compte de leurs pechez pour les chastier, ne voyent-ils pas que leurs pais & leurs possessions diminuent tous les iours par tes conquestes? Dieu commande ce qu'il veut, personne ne peut couter ses iugements, il est tres exact à faire compte, leurs predecesseurs ont fait les fins comme eux, mais Dieu est plus fin qu'eux, il sçait le bien & le mal que chacun fait, ils connoistront vn iour à qui doit estre le Paradis, Ils disent que tu n'es pas Prophete, dis leur, c'est assez que Dieu soit tesmoing de la verité entre vous & moy, qui est celuy qui sçait tout ce qui est escrit dans le Livre de la divine Maisté?

---

**LE CHAPITRE D'ABRAHAM,**  
*contenant cinquante Versets,*  
*escriit à la Meque.*

**A**V Nom de Dieu clement & misericordieux. Je suis Dieu misericordieux. Ce liure nous te sauons enuoyé pour faire sortir le peuple des tenebres, le conduire à la lumiere & au chemin de ton Seigneur toujours victorieux & glorieux;  
 tout